

Swyddog Ieuenctid Wrecsam

Disgrifiad Swydd

- Teitl y swydd:** Swyddog Ieuenctid - Wrecsam (gyda'r nod o ddatblygu'r Gymraeg yn narpariaeth Ieuenctid y Sir)
- Yn atebol i:** Gyfarwyddwr Talaith y Gogledd, Urdd Gobaith Cymru a Rheolwr Gyfarwyddwr Menter Iaith Maelor. Bydd yn adrodd i Bwyllgor Rheoli'r Swydd sef y prif bartneriaid:
Urdd Gobaith Cymru
Menter Iaith Maelor
Cyngor Wrecsam
- Bydd Swyddod Datblygu Fflint – Maleor yn rhoi arweiniad i'r Swyddog o ddydd i ddydd
- Cyflog:** Ar raddfa 5 Strwythur Cyflog yr Urdd £16,925 (pnt 1) hyd £19,621 (pnt 6). Penodir ar bwynt 1 oni bai fod profiad/cymwysterau arbennig yn denu un pwynt ychwanegol.
- Hyd y cytundeb:** Mae'r swydd hon yn cynnig cytundeb penodol rhwng Ebrill 2il, 2012 a Mawrth 28ain, 2013.
Gall y swydd newid neu ddod i ben yn seiliedig ar unrhyw newid annisgwyl yn sefyllfa ariannol un o'r partneriaid uchod.
- Oriau gwaith:** 35 awr yr wythnos. Oherwydd natur y swydd mae'n ofynnol i'r Swyddog weithio oriau oddi allan i oriau safonol swyddfa. Disgwylir i'r ymgeisydd llwyddiannus fod yn hyblyg yn y cyswllt hwn. Cynigir elfen o hyblygrwydd gydag oriau gwaith a ble mae'n briodol, cynigir oriau dyledus i ffwrdd o'r gwaith mewn trefniant â'r Gyfarwyddwr.
- Lleoliad:** Canolfan Ieuenctid Y Fic, Wrecsam
- Gwyliau blynyddol:** Caniateir 25 diwrnod o wyliau blynyddol ac wyth diwrnod o wyliau cyhoeddus - y cyfnodau i'w pennu mewn ymgynghoriad â Chyfarwyddwr y Dalaith. Bydd angen neilltuo 3 diwrnod ar gyfer y cyfnod rhwng y Nadolig a'r flwyddyn newydd.
- Cyfnod prawf:** Bydd cyfnod prawf o 3 mis.
- Pensiwn:** Bydd cyfle i ymuno â phensiwn mewnol yr Urdd ar unwaith.
- Teithio:** Mae teithio yn rhan annatod o'r swydd, telir lwfans o 45c y filltir. Bydd angen trwydded yrru lân a char ar yr ymgeisydd llwyddiannus.
- Gwiriad CRB:** Bydd yn ofynnol i'r ymgeisydd llwyddiannus gael ei wirio gan y Swyddfa Cofnodion Troseddol (CRB)
- Archwiliad meddygol:** Cedwir yr hawl i ofyn i'r sawl a benodir fynd o dan archwiliad meddygol cyn cynnig y swydd yn ffurfiol.

Dyletswyddau:

Mae'r targedau a'r dyletswyddau isod yn cynrychioli ac yn seiliedig ar ddyheadau'r tri phartner yn Wreccsam sef Cyngor Wreccsam, Urdd Gobaith Cymru a Menter Iaith Maelor. Mae'r targedau hefyd yn ymateb i strategaethau'r tri corff ac hefyd i Ganllawiau Gwaith Ieuenctid y Cynulliad.

Prif nod y swydd yw cynyddu gwaith Ieuenctid Cyfrwng Cymraeg yn ardal Sir y Fflint. Prif oedran targed y swydd yw 11 - 25 oed . Bydd hefyd yn cynnwys elfennau o weithio gyda'r oedran 8 - 11 oed yn bennaf yn canolbwyntio ar drosglwyddo effeithiol o ddiddordebau allgyrsiol / addysg anffurfiol tu allan i oriau ysgol gan sicrhau defnydd cymdeithasol o'r iaith Gymraeg.

1. Cynyddu'r nifer o glybiau Ieuenctid Cymraeg yn Wreccsam gan adnabod ardaloedd ac arweinwyr priodol.
2. Cynnig gwaith Ieuenctid cyfrwng Cymraeg gyda phobl ifanc blynyddoedd 5, 6, 7 ac 8 er budd dylanwadu ar eu dewis o iaith gymdeithasol . E.e. trefnu gweithgareddau newydd o fewn amser a thu allan i oriau ysgol, annog mynychu gweithgareddau'r Urdd a'r Fenter a chlybiau Ieuenctid y sir .
3. Gwella a dwysau'r berthynas gydag ysgolion lleol gan dynnu eu sylw a chynyddu ymwybyddiaeth o'r gwasanaethau a gynigir gan y tri phartner ac o ganlyniad yn codi proffil gweithgareddau a chyfleoedd cyfrwng Cymraeg.
4. Sicrhau fod y gwaith yn cael ei gyd-gordio gyda phartneriaid eraill megis y gwasanaeth Ieuenctid, Ffermwyr Ifanc, Scouts a Geidiad.
5. Mapio darpariaeth Ieuenctid bresennol y Sir ac adnabod bylchau mewn darpariaeth. Bydd hyn yn amlygu cyfle i lenwi'r bwlch gyda gweithgareddau newydd. Hoffem weld adroddiad ar y ddarpariaethau bresennol erbyn Rhagfyr 2010
6. Cynyddu cyswllt gyda phobl ifanc 11 - 25 oed gan gynnig gweithdai a digwyddiadau newydd gyda'r bwriad i gynyddu'r defnydd cymdeithasol o'r iaith Gymraeg.
7. Cefnogi fforymau Ieuenctid cyfrwng Cymraeg a sicrhau llais i'r Gymraeg ar Fforymau eraill.
8. Cynnal sesiynau ymwybyddiaeth iaith i bobl ifanc pan fo cyfleoedd yn codi.
9. Sicrhau fod plant a phobl ifanc Wreccsam yn mynychu cyfnodau preswyl yng Ngwersylloedd yr Urdd gan ehangu ar y ddarpariaeth tu allan i oriau ysgol cyfrwng Cymraeg.

10. Sicrhau fod cofnod o'r gwaith gan gynnwys data ar niferoedd a gweithgareddau yn cael ei gadw ar raglen maes a gwefannau yr Urdd a'r Fenter Iaith ac hefyd systemau'r Cyngor pan fo galw i wneud hynny.

11. Gofynnir i chi gefnogi gwaith y Swyddogion Datblygu pan fo galw i wneud hynny.

Sgiliau

1. Rhaid bod yn drefnus a meddu ar sgiliau cyfathrebu ac ysgrifennu da.
2. Rhaid meddu ar gymeriad addas i ddelio gydag ystod eang iawn o bobl.
3. Rhaid bod yn hyderus i greu cyfleoedd newydd i bobl ifanc gan adnabod ac ysgogi gwirfoddolwyr / arweinwyr i fod yn rhan o'r datblygiadau.
4. Byddai unrhyw brofiad a chymhwyster mewn gwaith ieuenctid o fantais (cynigir cwrs penodol Gwaith Ieuenctid yn rhan o'r swydd onid yw'r ymgeisydd llwyddiannus eisoes yn meddu'r cymhwyster).
5. Y gallu i adnabod bylchau mewn darpariaeth a gweithio mewn partneriaeth gyda chyrrff/ mudiadau sydd yn addas i dargedau'r swydd.
6. Rhaid bod ag ymwybyddiaeth o ddelfrydau ac amcanion Urdd Gobaith Cymru a'i weledigaeth parthed lleadaenu'r iaith Gymraeg i blant a phobl ifanc Cymru.
7. Byddai profiad o weithio yn uniongyrchol gyda phobl ifanc - boed yn gyflogedig neu'n wirfoddol, o fantais.

Dylai unrhyw geisiadau ddangos yn glir sut mae unrhyw brofiad blaenorol, a sgiliau, yn cyfateb i'r anghenion a'r dyletswyddau a nodir yn y Disgrifiad Swydd.

Rhaid i geisiadau gyrraedd:

Sian Rogers
Cyfarwyddwr Talaith y Gogledd/Canolbarth
Swyddfa'r Urdd
Gwersyll yr Urdd Glan Llyn
Llanuwchllyn
Y Bala
Gwynedd
LL23 – 7ST

Erbyn Chwefror 10fed os gwelwch yn dda